


TEZAUUR LITURGIC

23 NOIEMBRIE

**SLUJBA
SF. MUCENIC
TOMA DANILOV
DE LA
MARGHELAN**



MOSCOVA, 2000



23 ноября

Служба мученику Фоме воину, иже в Маргелане пострадавшему

На велицей вечерни

Блажен муж: антифон 1-й.

На Господи возвах: стихиры праздника 3
и святого 5, глас 2.

Подобен: Егда от древа:

Егда Российскому Царю воинствуя на земли,
верен Богу, Фома воине, был еси, тогда
Небеснаго Царя помощь приимши, обличая
нечестивых агарян, и ныне со ангельскими
силами и воинствами в Вышних ликуеши. Тем
же, блаженне страстотерпче, молися Христу
Богу спастися нам. (дважды)

Егда пленен быв агарянами, не отрекся еси
Православия и яко древнии мученики исповедал
еси образ Христа Бога, не предав отечества
своего земнаго, тем показася образ истиннаго
воина русскаго и крепкаго воина Христова,
венец мученичества получив, посрамил еси
нечестивый Маргелан, возвышая отечество твое
Самару, молися Христу Богу спастися нам.

Ины стихиры, глас тойже.

Подобен: Киими похвальными:

Кая похвала подобает святым, в телеси на земли пожившими и пред Господем всегда ходившими дела благими, ныне ублажати тя подобает, **Фо**мо: в Маргелане истиннаго Бога исповедал еси и воинства русскаго не посрамил еси, и телом во в агарянстей земли, душею же на **Небесех** обретаяся, молися всех Царю спастися нам.

Лику избранных сочетался еси от купели возрождения и Церкви Христовой причастник быв, посрамил еси верою своею зловерие агарянское, и весь народ Маргеланский удивил еси, твоему **Фомо** за Христа стоянию, повелителем тя нарекше. Мы же отечества твоего земнаго сродницы к твоему заступлению прибегаем, испроси у Владыки Христа нам мир и велию милость.

Слава, глас 1:

Како не похвалим **Фому** праведнаго, благодушню твоему в телесном пленении дивящися, темже мы зряще твоего чудеснаго подвига за землю российскую, и за Веру Православную страдания, славим память твою, во светлостех святых ныне ликовствующа, идеже поминай нас чтущих тя.

И ныне, праздника: По рождестве Твоем:

Вход, прокимен дне и паремии 3 мученическия.

На литии стихиры, глас 8:

Плененный кипчаки и отвезенный в Маргелан, выведен, всечестне, был еси на место лобное, яко древния мученики, трижды отвергся прелестника Мумына, исповедника явльшася веры христианския и истиннаго воина Царя Российскаго, тем тя прославляем.

Вне земнаго отечества пострадав, блаженне, в Горнее Отечество вселился еси, дарами Святаго Духа украсився. Буди убо теплый ходатай ко Господу о России и воинстве ея, отечестве Самарстем, победы на враги нам исходатайствуй своими молитвами, достохвальне.

Слава, глас 6:

Мучениче Христов, прехвальне воине Фоמו, мучителей теплой верой посрамил еси, и нечестиваго Мумына обличил еси, глаголя: Христианином родихся и умру им же, не предам и отечества своего. Остался еси верным воином земнаго воинства и Небеснаго. Видя долги мучения твоя и крепкое в вере стояние, народ маргеланский прослави тя яко адаманта тверда. Мы же сошедшеся чествуем приснорадостную память твою, и яко новаго исповедника тя величаем.

И ныне, праздника.

На стиховне стихиры, глас 1:

Яко овча еже на заклание ведомое, был еси, воине Фома, егда претерпел еси страдания, обаче веру соблюл еси непреобориму и отечества твоего не отступил еси, русский телом и Христов душею пребывая. Моли дароватися граду Самаре и всей русской земли мир и велию милость.

Стих: Праведник яко финикс процветет:

Яко лютый Ликийский хан Пулат устрашаше тя блаженне; и яко лукавый Иулиан Мумын искушаше тя, страсотерпче, ты же не отверглся еси Христа и отечества своего, но претерпел еси доблественне, ожидая будущаго воздаяния, некончаемаго в Бозе наслаждения.

Стих: Насаждени в дому Господни:

Яко новый Георгий явился в земли маргеланской блаженне Фома, яко истиннаго винограда Христова отрасль Русския земли, и яко финикс процвел еси, наполняя сердца наша своею теплою к Богу молитвою.

Слава, глас 8:

Приидите, христолюбивии людие, и узрите добрый подвиг страсотерпца Маргеланскаго, научающь стояти за землю Российскую бесстрашно, исповедающе веру православную

преискренне, моляще Господа за вся люди православныя, восхвалим Фому воина, адаманта веры и молитвенника о душах наших

И ныне, праздника: Днесь собори:

На благословении хлебов тропарь святому дважды и празднику единожды.

Тропарь, глас 5:

Праведный воине Фоמו, верный рабе Христа Бога, Царствия Его наследниче, Маргелана удивление, магометанскаго нечестия посрамление, Самарския земли похвало, российскаго воинства небесный помощниче, и нас в вере укрепление. Моли Господа нашего, в мире и единомыслии спасти души наша.

На утрени

На Бог Господь: тропарь праздника дважды. Слава, тропарь святаго. И ныне, тропарь праздника.

По 1 стихологии седален, глас 1:

Егда мучителие твои обольщаше тебе, злато и тщету мирскую тебе предлагающе, отвержися Христа глаголаше тебе, ты же, страсотерпче, посрамил еси их, отвещал еси: христианин рожден есмь, христианином и умру, научая и

нас немощных тако веры православных
держатися.

Слава, и ныне, седален праздника:

Известная Христианом и Единая по Бозе крепкая
Помощнице, сильная в бедах Предстательнице,
покрый и соблюди ны, Владычице, низлагая
врагов злокозненных.

По 2-м стихословии седален, глас 2:

Среди мирского мятежа праведно поживша, яко
в безмолвии пустынем, на рамена Креста
Господень взявши и Тому последовавше
мученически, восхвалит вси песньми воина
Фому, егоже Волжская земля израсти, Маргелан
же позна яко стратотерпца, по плодам веры.

Слава, и ныне, седален праздника.

Седален по полиелее, глас 8:

Царю Небесному и Творцу веков угожда
присно, лукавствия муминова отвергся еси
славне, посрамив прелесть магометанскую и
также в подвиже душу твою в руке Господу Богу
предал еси. Егоже моли, Фома, прегрешений
оставление нам даровати, чествующим святую
память твою.

Слава, и ныне:

Воплотися из Тебе благолепно Слово Безплотное
премножеством человеколюбия, Пречистая Дево;

Егоже, Владычице, моли вечное блаженство даровати нам.

Степенна, 1-й антифон 4-го гласа.

Прокимен, глас 4: Праведник яко финикс процветет, яко кедр, иже в Ливане умножится.

Стих: Насаждени в Дому Господни, во дворех Бога нашего процветут.

Всякое дыхание: Евангелие от Иоанна, зачало 51.

По 50 псалме стихира, глас 6:

Страстотерпче воине Фоמו, верный рабе земнаго царствия и Небеснаго, Маргелана удивление, града Самары украшение, Российския державы похвало, твердый в благоверии, отечества верный служителю, магометан лютых посрамление, испроси стране нашей на враги одоление, и в мире спастися нам.

Канон праздника со ирмосом на 6 и святого на 8.

**Катавасия: Христос раждается:
Канон святого, глас 5.**

Песнь 1

Ирмос: Коня и всадника:

Поим Господеви с Моисеем, венцы песней страстотерпца Фому венчаем: уподобися бо

первомученику Стефану благодатию.

Припев: Святой страстотерпче Фома, моли Бога о нас.

Поим Господеви с Мариамною, древле потопил еси фараона с колесницами, ныне посрамил еси магометанския хитроплетения.

Поим Господеви песнь нову, восхваляя воина Христова Фому, ему, яко ангелов собеседнику, сие подобает.

Богородичен: Небом была еси словесным, Слово Небесное в Твоей утробе, Богомати, вмещшая, Имже вся быша, небо же и земля, и яже вышше сих: темже со дерзновением моли спасти поющая Тя.

Песнь 3

Ирмос: Водрузивый на ничесомже:

Церковь ныне ликовствует, прославляя тя, блаженне Фома, подвигом бо своим освятил еси пустыню беззакония.

Церковь ныне величает, восхваляя тя, мучениче Фома, кровию бо своею напоил еси сердца неплодныя.

Церковь ныне ублажает страстотерпца и исповедника, воина Фому, отвергнувшагося диавольских оболъщений.

Богородичен: Жезл Ааронов прозябший, иже от Иессея проображаше израстший корень, Тя

Пречистую, цвет миру воссиявшую, Бога
воплощенна: Егоже о нас молящи не престай,
Приснодево, привегающих к Тебе.

Кондак и икос праздника.

Седален, глас 6:

Уподобися древним мучеником, блаженне Фомо,
посрамил еси обольщения магометанския,
отвергнув блага земная, верен отечеству
земному и Небесному остался еси, молися
Владыце всех с сонмом страстотерпцев за всех
нас.

Слава, и ныне:

Тя Приснодево, и воистину Едину Богородицу
славим, Юже прообразовавше Боговидцу
Моисею, неопально, Пречистая, купина
неопалимая.

Песнь 4

Ирмос: Божественное Твое:

Во времена охлады и испытания Церкви
Христовой, столпом непоколебим явился еси,
блаже Фомо.

Суемудренныя глаголаше яко несть Христос Бог,
ты же прослави Бога кровию своею.

Озловив сатана сердца неких на Царя земнаго,
ты бо Господь избра яко единого от защитник
его, яко удерживающаго.

Богородичен: Моли непрестанно, Чистая, Воплощеннаго из боку Твоею, избавити от лести диавольския воспевающия Тя Деву Чистую.

Песнь 5

Ирмос: Одейся светом:

Одейся блаже Фома не житейской суетою, но мученическим венцем украшен еси, предстоя Троице облистаяся.

Мумын помышляя отвратити тя от Христа одеяти в парчу и виссон, рухляди же его посрамил еси одеждою мученичества твоего.

Просвещен твой разум являясь, страстотерпче Фома, паче всех гордых умов яко препрост посрами суету мира сего.

Богородичен: Ныне прибегаем к Тебе Приснодево, спаси нас молитвами Твоими и соблюди: елико бо хочещи и можещи, яко Мати Всемогущаго.

Песнь 6

Ирмос: Неистовствующееся бурей:

Оградився, Фома, оружием Святаго Креста, надежду веры христианския, любовь отечества своего, посрамил еси хитроплетения искусителей.

Паче естества и слова и помысла, доблести твоего храбрствования, непрестанно певаема,

преблаженне мучениче Фомо.

Кровию землю освятил еси, небо же душею священною озарил еси преблаженне Фомо, и лики мученическия веселия исполнил еси.

Богородичен: Древле убо прельсти мя змий, и умори мя праматерию моею Евою, ныне же Чистая, Создавый мя из исления воззва.

Кондак, глас 2:

Воина Христова непобедимаго, победителя на враги добляго, в великих чудесех возсиявшаго, присно вси восхвалим верою Фому страстотерпца, посрамляет во искусителей, научает же подвигом и сущих в скорбех человеки заступает.

Икос:

Пение ми даруй, Боже мой, воспевати и глаголати и почитати подвиги страстотерпца Твоего и мученика Фомы, повелителя страстей, великаго во благочестии и в лике мученик возсиявшаго, иже молит Христа Бога непрестанно о всех нас.

Песнь 7

Ирмос: Превозносимый отцев Господь:

Разорил еси Божию благодатию магометанския приношения, и разрешившись блаженне, союз

телесных, мучением скончав подвиг твой за Христа.

Яко на колесницу всел, и кровию твоею страсотерпче достохвальне, радуясь востекл еси в премирная покоища.

Яко мученик непобедим, яко страдалец, яко неодоленный веры поборник ныне столп непоколебим воинства российскаго являясь, премудре Фомо, ограждая е молитвами твоими.

Богородичен: Державным Твоим покровом Чистая нас рабов Твоих от навета вражия сохраняй всегда невредимы: Тя во Едину стяжахом прибежище в бедах.

Песнь 8

Ирмос: Тебе Вседетелю:

Духом укрепляемь о оружиех болезнях небрегл еси: яко не поработал еси врагом отечества своего и веры христианския, но поборол еси духом плоть вопия: дела Господня Господа пойте и превозносите во вся веки.

Истекая, страсотерпче Фомо, своею честною кровию, не оставил молитв еси, но яко струи иорданския они текоша ко Вседержителю поя: дела Господня Господа пойте и превозносите во вся веки.

Иерусалима вышняго наследник был еси, умерл бо во страданиях премудре, поя непрестанно:

дела Господня Господа пойте и превозносите во
вся веки.

Богородичен: От ребра Адамова создавый Тя, от
Твоего девства воплотися, иже всех Господь,
Егоже поюще вопием: вся дела благословите,
пойте Господа, и превозносите во вся веки.

Песнь 9

Ирмос: Исаие ликуй:

Непрестанно моли Господа о нас, поющих тя,
блаженне Фома, яко Христова мученика, яко
победивша мучителя, яко отечества защитника
крепкаго, яко хранителя неусыпна, яко
заступника непостыдна. (дважды)

Священники со архиереи воспевают, Царие
восхваляют, и людие самарстии твоих
страданий хвалу возвещают, мучениче Фома,
темже тя вси ублажаем.

Богородичен: От земнородных возрастши и
Зиждителя родши, радуйся, наша похвало,
Богородице чистая: Тя яко нашу Заступницу
сошедшеся величаем.

Светилен, глас 2:

Яко солнце светоносное, чудестными зарями
просвещаеши всю тварь, страстотерпче Фома,
темже твою совершающе память, да сподобимся
Божественныя от Христа Спаса благодати.

Слава, и ныне, светилен праздника.

На хвалитех стихиры, глас 4.

Подобен: Зван свыше:

Яко добляго в мученицех страсотерпца Фоту, сошедшеся днесь восхвалим вси, яко течение совершив, веру соблюл еси, и прият от Бога победы венец: Егоже молит от тмы и бед избавити, верою совершающих всечестную память его.

За Спаса пострадал еси, и смертию смерти вольней, славне, подобяся, царствуеши с Ним светло, порфирию от крове одеян светлою, и скипетром страданий твоих украшен, и венцем победы блистаяся, в непреходимыя веки, мучениче Фомо.

Веры бронями и щитом благодати и Креста копием вооружився, без видимаго оружия победил еси губителя всех, научая нас любити паче мирския суеты Горняя страны, ныне со ангелы ликуеши.

Яко звезду многосветлую, якоже солнце сияющее на тверди небесней тя вемы, и яко бисер многоценный, яко камень блистающий, яко сына тя дне, яко доблественнаго в мученицех, совершаючи твою, Фомо, память прославляем.

Слава, глас 4:

Приидите, мучениколюбцы вси, Христова
страстотерпца, течение совершивша,
благочестно прославим Фому, воина славнаго,
сей бо Маргелана удивление, Самарския земли
похвало, воинства российскаго украшение,
сокрушил во еси главу змиеву и кровию землю
освятив, Царю земному служил еси и Царя
Небеснаго слуга вернейший [показался] еси и от
Вседержителевья руки почестъ прият, просит
очищение душам нашим и велию милость.

И ныне, праздника.

На Литургии

Блаженны праздника, песнь 4 на 4, и святаго
песнь 6 на 4.

Прокимен, Апостол, аллилуиа, Евангелие и
причастен мученика.

Задостойник праздника.

